

Tumi a seke a reetsa Papi. “Dumela,” ga dumedisa Tumi.
Phathu a itidimalela.

Ke eng se se mo hokong ya ga Phathu? Phala e e lerole!

Tumi a e phimola lerole mme morago a e letsa.

“Dumela, wena Mothatayotlhe,” ga bua Phathu wa
Papagae, “Nka dira gore o fitlhelele dikeletso tsa gago
ka boraro jwa tsona.”

“Ke eletsa e kete ...
Nkabo ke na le dimonamone
tsotlhe mo lefatsheng.”

PHUFF!

Mpa ya ga Tumi ya gadikega. O ne a jele dimonamone
di le dintsi go feta selekanyo.

“Tumi! Ga ke kgone go tsena. Lebati le gana go bulega.”
Papi o gorogile. “A o buile le Phathu wa Papagae, Tumi?”

Tumi o tshogile.

“Ke eletsa e kete ...
Dimonamone tse tsotlhe
tse di ka nyelela.”

PHUFF!

Papi ga a itumela le e seng. “Ga o utlwe. Ga o na tsebe fela jaaka ena. Papagae e e tletse metlae.”



Ya re a ntse a kaname mo bolaong jwa gagwe mo bosigong joo, Tumi a akanya, “Keletso ya me ya bofelo e bo e le gore e siame.”

“Ke eletsa e kete ...

PHUFF!



“Tumi!” Papi a lebelela ka letlhabaphefo kwa ntle. Se a se bonang fela ke lewatle. “O dirileng?”

Phathu wa Papagae a tshega. “Tumi o ne a eletsa e kete o ka bo o na le dimilione tsa diranta gore o kgone go aga ntlo e kgolo gore a tle a nne le phaposi e e leng ya gagwe. Se a sa se buwang fela ke go re kwa kae!”

Tumi le dikeletso tse tharo

E kwadilwe ke Mabel Mnensa • E tshwantshitswe ke Julie Smith-Belton

Megopolo e re ka buang ka yona

Ke dilo dife tse tharo tse o eletsang e kete di ka direga?

O akanya gore Tumi a ka tswa a ithutile thuto efe morago ga selo sa boraro se a eletsang gore se direge? Fa go buiwa ka dilo tse o eletsang di ka direga go tewang? Re dira dilo tseno tse re eletsang di ka direga jang? Ke eng kgotsa ke mang yo o re nayang dilo tse re di eletsang?



Se se bonwang ka matlho

Terowa setshwantsho sa dilo tse tharo tse o neng o ka rata go di kopa mo go Phathu.



Go Bala

Leba mafoko le setshwantsho se se mo tsebeng ya bofelo sentle.

- ★ Selo sa boraro se Tumi a neng a eleditse gore se ka direga ke eng?
- ★ Dirisa setshwantsho go bona gore Phathu o ne a swetsa go naya Tumi eng.
- ★ O akanya gore Tumi o ka tswa a ile a ikutlwa jang fa a ne a leba kwa ntle mo fenstereeng?
- ★ O akanya gore o dirileng morago ga moo?




Go Kwala

Terowa setshwantsho sa ga Tumi le Phathu o bontshe le pudula ya se mongwe le mongwe wa bone a se akanyang gaufi le bone. Mo puduleng ya se Tumi a se akanyang kwala selo sa boraro se a se akanyang, o simolola ka mafoko a a reng: Ke eletsa ekete ... Mo puduleng ya se Phathu a se akanyang, kwala se a se neileng Tumi, o simolola ka mafoko ano: Ke akanya gore ke tla naya Tumi ...



Botaki

Dirisa khateboto ya toilet roll kgotsa ya rolo ya tulo ya pampiri le pente, kokis, glue, diphuka, thishu e e mebalabala kgotsa pampiri ya crêpe go itirela papalagae ya gago e e dirang dikgakgamatso. Naya papalagae ya gago leina.



Tiragatso

Tlotla leinane leno gape mme wena o le modiragatsimogolo mo go sone. Gape, mo boemong jwa se se elediwang ke Tumi tsenya tse tharo tse wena o di eletsang.

